



Estatutos do Clube :

Nome do Clube: **Clube Deportivo Río do Pozo**

CAPÍTULO I : Normas xerais.

Artigo 1º:

O Clube Deportivo Río do Pozo é unha Asociación privada con personalidade xurídica e capacidade de obrar, integrada por persoas físicas, que teñen por obxecto exclusivo ou principal a práctica dunha ou varias modalidades deportivas polos asociados, así como a participación en actividades e competicións oficiais.

Artigo 2º:

O Clube Deportivo Río do Pozo practicará como principal modalidade deportiva a de fútbol sala, e solicitará a ratificación dos Estatutos e a inscrición no Rexistro de Asociacións Deportivas e Deportistas de Galicia, coa conformidade coa Lei Xeral do Deporte de Galicia.

O Clube Deportivo Río do Pozo practicará así mesmo as modalidades deportivas de fútbol sala e para tal fin funcionarán as seccións deportivas correspondentes, sen prexuízo de que a Asamblea Xeral poida acordar a creación doutras.

Artigo 3º:

O domicilio social do Clube Deportivo Río do Pozo fíxase no Local Social de Nelle s/n, municipio de Naron, provincia da Coruña, Código postal: 15578.

O Presidente cando as circunstancias o aconsellen poderá acorda-lo cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asamblea Xeral Extraordinaria.

En ámbolos dous casos, o traslado de domicilio social non implicará a modificación estatutaria, e terá de ser notificado ós socios, e ó Rexistro de Asociacións Deportivas e Deportistas de Galicia.



CAPÍTULO II: Clases de socios, admisión, dereitos e obrigacións.

Artigo 4º:

O número de socios será ilimitado. A Asemblea Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 5º:

Son **socios de número** tódalas persoas miors de idade, que satisfagan a cota social establecida pola Asemblea Xeral.

Os menores de 18 anos, clasifícaranse como **socios aspirantes**, tendo dereito ó uso das instalacións mediante a cota que se fixe e pasarán automaticamente a ser socios de número ó cumprimentar a maioría de idade.

Serán **socios honorarios** aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

Son **socios familiares** todas aquelas persoas que dependan economicamente dun socio de número e convivan con él no mesmo domicilio.

Artigo 6:

1.- Os socios de número terán os seguintes dereitos :

- a) Contribuír ó cumprimento dos fins específicos da asociación.
- b) Esixir que a Asociación se axuste ó disposto na normativa autonómica deportiva e ó establecido no presente Estatuto.
- c) Separarse libremente da Asociación.
- d) Coñecer-las actividades da Asociación e examinala súa documentación, previa petición razoada ó presidente.
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que teña capacidade de obrar.



2.- Son obrigacións dos socios de número:

- a) Aboa-las cotas que exixa a Asamblea Xeral.
- b) Contribuír ó sostemento e difusión do deportes ou modalidades Deportivas.
- c) Acatar cantas disposicións dicte a Asamblea Xeral, a Xunta Directiva ou Presidente, para o bo goberno da sociedade.

3.- Os socios aspirantes terán dereito a disfrutar dos servicios e instalacións sociais da Asociación.

4.- Os familiares dos socios de número terán dereito a disfrutar daqueles servicios e instalacións que se determinen, previo pago da cota fixada.

Artigo 7º :

Para ser admitido como socio, en calquera das súas modalidades, será necesario .

- Te-la idade sinalada para cada unha delas.
- Solicitud por escrito dirixida ó Presidente.
- Satisface-la cota de ingreso correspondente.

Artigo 8º :

A condición de socio pérdese:

- Por vontade propia.
- Por falta de pago das cotas sociais durante tres meses consecutivos, previo requerimento de pago, e consecuente Resolución do Presidente.



CAPÍTULO III : Órganos de representación e goberno.

Artigo 9º:

Son Órganos de representación e goberno do Clube Deportivo Río do Pozo a Asemblea Xeral e ó Presidente.

Artigo 10º:

O Presidente é o órgano executivo do Clube, posúe a representación legal, convoca e preside os órganos de representación e goberno, executando os acordos destes.

Será elixido mediante sufraxio libre, directo igual e secreto por entre os membros da Asemblea Xeral, cada 4 anos.

Artigo 11º:

O Presidente cesará por:

- a) Transcorre-lo prazo polo que foi elixido.
- b) Demisión.
- c) Falecemento ou incapacidade física ou psíquica para continuar no exercicio do seu cargo.
- d) Aprobación dunha moción de censura pola Asemblea Xeral.

Artigo 12º:

Como órganos complementarios dos de goberno e representación poderá haber unha xunta directiva para asistir ó Presidente.

- 1.- A Xunta Directiva estará formada por un número de membros non inferior a cinco nin superior a quince, e da que formará parte un Secretario e un Tesoureiro.
- 2.- A Xunta Directiva é o órgano colexiado de xestión do Clube, sendo os seus membros designados e revocados libremente polo Presidente que a presidirá.
- 3.- Corresponderán á Xunta directiva as seguintes atribucións:



A Xunta Directiva como órganos colaborador do Presidente, non terá competencias propias e exercerá por delegación, as que lle encomende o Presidente que poderá avocar e revocar en calquera momento.

Artigo 13º:

1.- A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso do Presidente.

2.- A Xunta Directiva convocarase polo Presidente con dous días de antelación como mínimo, á data de celebración.

Artigo 14º:

A Xunta Directiva quedará tamén validamente constituída, cando esten presentes tódolos seus membros, aínda que non houbera mediado convocatoria previa.

Artigo 15º:

1.- O Tesoureiro da Xunta Directiva será o despositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados.

Artigo 16º:

O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de Rexistro de socios e o Libro de Actas.

Artigo 17º:

1.- A Asamblea Xeral é o órgano supremo do goberno da Asociación e estará integrada por tódolos seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos seus



asociados. En segunda e última convocatoria media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración terán de mediar, como mínimo, dez días naturais e non poderá transcorrer máis de 20.

Artigo 18:

A Asemblea Xeral convocarase polo Presidente a iniciativa propia ou do vintecinco por cento, ó menos, dos socios de número.

1.- A Asemblea Xeral reunirase con carácter ordinario, previa convocatoria polo Presidente, ó menos unha vez ó ano para tratar as seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o seguinte exercicio.
- c) Proxecto e propostas do Presidente ou da Xunta Directiva.
- d) Proposicións que formulen os socios e que terán de ir asinadas ó menos, polo cinco por cento dos mesmos.
- e) Rogos e preguntas.

2.- Terá de se celebrar Asemblea Xeral extraordinaria para a modificación de Estatutos, elección do Presidente, toma de cartos a préstamos, emisión de títulos representativos de débeda ou de parte alicuota patrimonial, enaxenación de bens inmobles e fixación de cotas dos socios, e calquera outro acordo previsto nestes estatutos ou que se estime oportuno polo Presidente ou proceda legalmente.

Artículo 19º:

Os acordos da Asemblea Xeral e da Xunta Directiva serán vinculantes e de obrigado cumprimento e terán executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.



CAPÍTULO IV :

RÉXIME DOCUMENTAL :

Artigo 20º:

O réxime documental da Asociación, constará dos seguintes libros: Rexistro de Socios, de Actas e Contables.

Artigo 21º:

No libro de Rexistro de Socios, terán de consta-los nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan na Asociación. Tamén hanse especifica-las datas de altas e baixas, e as de toma de posesión e cese nos cargos aludidos.

Artigo 22º:

Nos libros de Actas, consignaranse as reunións que celebre a Asamble Xeral e a Xunta Directiva con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo Presidente e Secretario.

Artigo 23º:

Nos Libros de Contabilidade figurarán tanto o patrimonio como os dereitos e obrigacións, e ingresos e gastos da Asociación, debéndose precisa-la procedencia daqueles e a inversión ou destino destes.

RÉXIME DISCIPLINARIO :

Artigo 24º:

Os órganos e socios do Clube sometidos ó regulamento disciplinario do Clube e ó disposto no Título VII da Lei 11/1997 Xeral do Deporte de Galicia e normativa do seu desenvolvemento.

Artigo 25º:

Así mesmo o Presidente ou os membros da Xunta Directiva, no seu caso responderán fronte ós socios, o Club ou terceiros dos prexuízos que ocasionaren por culpa ou negligencia grave, de conformidade coa regulamentación propia do Clube e o Ordenamento Xurídico vixente.



CAPÍTULO V: Réxime económico-financiero e patrimonial.

Artigo 26º:

O Clube Deportivo Río do Pozo someteráse ó réxime do presuposto e patrimonio propio coas seguintes limitacións.

- a) Non poderá destina-los seus bens a fins industriais, comerciais, profesionais ou de servizo, nin exercer actividades de igual carácter con fin de repartir beneficios entre os seus socios. Os seus ingresos aplicaránse íntegramente á conservación do seu obxecto social.
- b) Para fomentar manifestacións de carácter físico deportivo dirixidas ó público en xeral, aplicando os beneficios obtidos ó desenvolvemento das actividades físicas e deportivas nos seus asociados.
- c) O Clube Deportivo Río do Pozo poderá gravar e enaxenar bens inmoables, tomar cartos a préstamo e emitir títulos transmisibles representativos de débeda ou parte alicuota patrimonial, sempre que cumpra os seguintes requisitos:

1.- Que se autoricen tais operacións por a maioría dos dous tercios dos socios presentes ou representados na Asamblea Xeral Extraordinaria.

2.- Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco por cento dos socios de número, o oportuno dictame económico-actuarial.

3.- Cando se trate de gravar ou enaxenar bens inmoables que foran financiados en todo ou en parte, con Fondos Públicos da Comunidade Autónoma será preceptiva a autorización previa da Secretaria Xeral para o Deporte da Xunta de Galicia.

Artigo 27º:

O Clube Deportivo Río do Pozo poderá recibir libremente doazóns que non excedan a cantidade de 3.000 €. No suposto de doazóns que superen esta cantidade será necesaria autorización expresa da Secretaria Xeral para o Deporte da Xunta de Galicia, previo informe da Federación correspondente.



Artigo 28º:

- 1.- O Clube Deportivo Río do Pozo poderá emitir títulos de débeda ou de parte alicuota patrimonial.
- 2.- Os títulos serán nominativos.

Artigo 29º:

- 1.- Os títulos inscribiránse nun libro que levará ó efecto a Asociación, no que se anotarán as sucesivas transferencias.
- 2.- En tódolos títulos constará o valor nominal, a data de emisión, e, no seu caso, o interese e prazo de amortización.

Artigo 30º:

Os títulos de débeda só poderanse suscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme a lexislación vixente.

Artigo 31º:

Os títulos de parte alicuota patrimonial han ser asemade, subscritos polos asociados. En ningún caso estes títulos darán dereito á percepción de dividendos ou beneficios.

Artigo 32º:

Os títulos de débeda e parte alicuota patrimonial serán transferidos únicamente entre os que teñen a condición de socios.



CAPÍTULO VI : Reforma dos estatutos e disolución da sociedade.

Artigo 33º:

Os presentes Estatutos só se poderán modificar, reformar ou derrogar, por acordo da Asemblea Xeral Extraordinaria convocada a tal efecto, mediante votación favorable dos dous tercios dos socios de número asistentes.

A reformas deste estatutos seguirá, con respecto ó Rexistro de Asociacións Deportivas e Deportistas de Galicia, os mesmos trámites administrativos que para a súa inscrición.

Artigo 34º:

O Clube Deportivo Río do Pozo extinguirase ou disolverase por acordo de:

- a) Dos dous tercios dos socios en Asemblea Xeral Extraordinaria, convocada ó efecto.
- b) Por sentenza xudicial.
- c) Por outras causas legalmente determinadas. En todo caso haberá de ser notificado ó Rexistro de Asociacións Deportistas e Deportistas de Galicia.

Artigo 35º:

Disolto o Clube Deportivo Río do Pozo o remanente do seu patrimonio social, se houbera, aplicarase a fins análogos de carácter deportivo ben por acordo previo da Asemblea Xeral ou subsidiariamente pola Secretaria Xeral para o Deporte.